

野史

五十七

第一百五十七卷 武臣列傳
 鍋島直茂 筑紫惟門
 第一百五十八卷 武臣列傳
 宗貞國
 第一百五十九卷 武臣列傳
 有馬晴信 大村喜前
 第一百六十卷 武臣列傳
 中川清秀 毛利高政
 松浦隆信

庫	文	閣	内
二	〇	二	和
九	一	四	書
一	〇	冊	類
六	冊	架	

和書
10214號

内閣文庫	
番號	和 10214
冊數	100(57)
函號	269 36



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak





野史卷一百五十七



武臣列傳第六十五

鍋島直茂

筑紫惟門

鍋島直茂。本名信生。肥前本莊人也。姓藤原氏。太宰少貳教賴三男。經直。經直子經房相繼。稱太宰少貳。經房子茂尙。龍造寺記、陰德平記、并作清冬、太稱平右衛門。族稱鍋島。有二子。長清正。稱左近。次清房。稱孫四郎。享祿二

飯田忠彦

男 文彦 訓 點

竹中 邦香 校

野史卷一百五十七

年。或作三年。龍造寺家兼。援少貳時尙。與杉。筑紫。朝日等。戰于田島邑。軍殆危。茂尙父子。潛居多年。狙時機。是時拈鬮於本莊神社。父子三人。及士卒咸掛紅纓於胃。俗曰之赤熊一族。以爲標。起救時尙。家兼奮鬪。終令得戰克之。家兼大悅。呼問名簿。以其孫女妻清房。賞授本莊田八十町。陰德太平記、藩翰譜、清房後稱駿河守。鍋島家譜、平記、有二子。兄信房。稱豐前守。弟乃直茂。俱龍造寺氏之出也。初龍造寺周家蚤卒。其子長法師年尙幼。清房妻死而鰥。周家寡婦。使謂清房曰。卿喪室氏而孤居。妾媒以送箕箒之妾矣。迨其入輿相見。則寡婦

也。清房驚恠。乃謂清房曰。嗣子幼而孤。無依撫者。卿父子非常之人。希妾育之。以爲嗣子昆弟。請勿訝。乃相偶云。藩翰譜、

○肥陽軍記云。寡婦謂清房。清房請擇吉日矣。清房辭而去。而後寡婦自粧。入輿于清房。清房錯愕。強請。令隆信與信生盟爲昆弟。終爲清房婦云。直茂本名信生。小字彥法師。初爲千葉胤連養子。慈仁謙讓。能懷人。軍國大小事皆諮詢。隆信敬服。後稍疎焉。肥陽軍記、稱左衛門大夫。鍋島家譜、永祿六年。有馬晴純入小城郡。與千葉胤連戰。隆信赴援胤連。胤連

野 卷一百五十七
有舊誼。信生欲酌之。先登力擊。遂破晴純軍。藩、翰、元
龜元年春。大友宗麟帥師來伐。四月。隆信迎戰于高
尾。信生力戰有利。宗麟分部侵入。八月。前鋒大友親
貞與諸部來逼佐賀城。信生勸隆信。夜擊親貞陣。率
十七騎先驅。大破親貞。今山陣。親貞走死。餘衆潰散。
初信生謂人曰。夜入敵陣。潛俟我報。見彼幕杏葉記
號鮮明。映篝火。意欲如得捷。則取以爲我記號。果如
所謀。得克之。且爲佳兆矣。改劔菱記號。爲杏葉云。藩、翰、
譜、肥、陽 尋信生與隆信弟長信。攻小田鎮光於多久
城。先鎮光奔筑後。其人居守拒戰。信生踰衆先登。傷

脚眼。入城中。携鎮光妻龍造寺氏。及鶴仁王。而出。尋
城陷。初信生自夜擊今山。不解甲。拔多久城。自是而
後。國人求因歸降者踵至。肥、陽 元龜二年。信生與小
早川隆景謀。爲隆信使者。如京師。請鎮平西海。大將
軍義昭許可。令信生更稱飛彈守而歸。從是隆信意
驕。專恣征伐。威武益震。信生每從功多。隆景初見信
生曰。予嘗聞卿武勇。肥藝講和。謁見之證。聊以致信
矣。以肥前養父郡田二百町。贈信生。而後隆信彌誇
勇暴橫。信生屢切諫。隆信陽賞功。陰嫌忌。龍、造、寺、記、
天正八年。隆信讓國於子政家。言行亾度。耽淫酒。信

生諫爭不措。是以陽稱筑後之備。移信生於柳川城。固辭不聽。遂遷治焉。肥陽軍記、藩翰譜天正十年。信生聞右府信長遇弒。竊謂天下必歸羽柴氏。乃憑隆景。遣使贈以南蠻帽子。是爲西諸侯通信之始。秀吉大悅。使石田備中守作書謝焉。藩翰譜、龍造寺肥陽軍記十二年二月。隆信大舉伐有馬。欲入薩。信生在柳川。聞警驚馳到。須古固諫不可。信生從師。與薩人猿亘越中守戰。頗得利而進。時諸部潰亂。士卒敗走。隆信已斃。信生僅與族平五郎。大膳等六人脫走。薩兵追躡。大膳暨中野式部返擊。南黑太郎三郎傷倒。綾部新五郎掬泥。

途信生甲冑。傍山路。經三戶津。而入神代海濱。信生見繫有馬軍艦。謂運在天。踊躍入船。實有馬士田雜孫六舟也。孫六嘗通意於信生。乃護送之柳川。及歸城。父清房入道剛意。自迎門外而入。龍造寺信周使人招信生。信生往佐賀。入水江。謂衆曰。我不得殉死。不慮而得生還。偏與死尸同。今將何爲焉。信周來謂曰。奚思一身而不憶國家乎。引入城。胥議。馳檄募兵。信周勸信生。遷居蓮池。執國事。肥陽軍記隆信子政家立而懦弱。信生以宗族攝家國事。大得士心。自更稱加賀守。欲復隆信仇。會關白秀吉之興。信生爲龍造寺。

氏首納款。以爲九州倡。秀吉深嘉之。藩翰譜、信生更
名直茂。藩翰譜、未詳年月、天正十五年。秀吉征薩。直茂及政
家抵行營。命爲先鋒。踊躍而謂。素懷達于。此役矣。先
驅而入薩。未幾島津氏歸順。藩翰譜、逸史、十八年。直茂代
政家襲城邑。秀吉知政家昏懦。直茂器幹可用。遂下
朱章。實錄、國史、文祿元年十月。直茂與諸將伐朝鮮。次安
邊。綏撫土民。十一月。咸鏡道巡察使季希德。以虜三
萬軍。咸興城北元平山。直茂率兵三千邀擊。疾戰于
元平山。直茂支族茂里。及小川市左衛門等善戰。斬
首一千餘。希德遠遁。藩翰譜、逸史、大三川志、是時直茂所戍德

原。分水高原。永興。定平。洪原。咸興等也。文祿二年六
月。直茂代加藤清正。護朝鮮二王子于陣中。所從僧
是琢賦詩贈曰。可憐天上鳳凰兒。飛入鷄群失德儀。
咸鏡蒙塵何所似。蝕非月恥是斯時。臨海君廢韻和
曰。包羞忍恥是男兒。不恨君山鏃羽儀。玉帛朝回西
塞曲。渭橋香火共歸時。而後屢贈荅云。大三川志、附錄、慶長
二年。再渡韓。秀吉命使直茂。及蜂須賀家政。僧惠瓊
爲軍監。藩翰譜、三年。大閣秀吉薨。而後伏見大坂騷擾。
兵革將起。直茂馳到伏見。遣人擁衛東照宮第。且曰。
臣如死難。則欲使子孫與公俱盛衰。願以傳公之後

世矣。臣亦以傳後裔。宮厚謝焉。藩、翰庚子之秋。宮東征。直茂使子勝茂率兵而東。後師而發。三成構新關于愛知川。遮留東行者。且大坂奉行等。送書於勝茂曰。方今內府負太閤遺命。竊謀自立。漫起師。恣征伐。故欲糾其罪。募兵于天下。宜來屬焉。惠瓊亦來說大坂命。勝茂謂從東征者非爲嗣君。奚黨不義乎。乃還軍。與諸將攻伏見城。拔之。自海道入伊勢。拔阿濃津城。進攻松坂城。直茂居國聞之。遽驚。遣下村左馬介。令謂勝茂曰。我熟思事變。幼君奚有思慮于此乎。是皆奉行等姦謀。爲報私怨。我嘗與內府有盟。汝必對

東師。勿牽弓矧矢。且奉太閤遺旨。莫如從內府。請慎焉。勝茂大驚曰。我年弱。未察事情。唯以老孺人在大坂。謬陷姦計耳。千悔不及。願候監使而自殺。以明冤也。諸老諫曰。死猶不遲。請試具狀以謝。不聽。則死。內府又與大生有舊誼。何可莫宥赦乎。乃遣甲斐彌左衛門。詣行營謝罪。又令久納市右衛門說黑田長政。以請哀免。長政與井伊直政議。爲請。東照宮寬其罪。勝茂望請曰。臣聞立花宗茂據其城。願獲宗茂以贖罪。官許可之。國史實錄、藩翰譜十月。直茂。勝茂率兵次田代。宗茂發兵拒之。據木津。再出兵一千餘於江上。直茂

固隊伍。令前軍戰。遂獲敵隊長數人。擊其兵卻之。立齋
舊聞記、藩翰譜、加藤清正勸宗茂。令歸順避城。而直茂與清
正等謀。伐薩。會調和成。弭兵而還。藩翰譜、因得全。有本
領。慶長十二年老。以元和四年六月卒。年八十三。藩翰譜、
譜、家法名日峯崇和。號高傳寺。藩翰譜、備考、子勝茂。
忠茂。勝茂。本名清茂。初字伊平太。備考、文祿四年。叙
從五位下。稱信濃守。武家補任、備考、慶長二年二月。從父
征明。家譜、庚子之役。黨三成。攻伏見。入伊勢。圍松坂
城。而中悔。及致納降。歸國。而攻柳川。及事平。賜肥前
本領。德川記、實錄、藩翰譜、大坂冬役。率兵從師。攻城。夏役。西諸

侯以備薩不發。藩翰譜、波軍記、寬永三年八月。叙從四位
下。任侍從。家譜、藩翰譜、十四年。島原賊起。勝茂在東府。遣
子元茂。直澄。率兵一萬。赴伐。十二月。從板倉重昌。攻
賊巢。次年正月。重昌戰死。元茂。直澄所部。死傷者二
千五百人。松平信綱。多田氏鐵。追到。固制戰而還國。
尋勝茂受命發東府。赴島原。二十一日夜。賊出襲元
茂。直澄陣。死傷相匹。勝茂赴役。與諸將會議。二月二
十七日。平明。勝茂前軍乘賊巢。諸隊次進。奪羅郭。明
日。遂屠巢穴。賊殲盡。藩翰譜、明曆三年二月。老。無
幾卒。年七十八。藩翰譜、備考、有多子。長曰忠直。次曰元

茂。次曰直澄。次曰直弘。次曰直朝。餘皆蚤死。或為家
 人。家譜、備考系圖、忠直。元和五年。舊章錄作元和八年、今從、藩翰譜、台德公
 賜諱字。叙爵。稱肥前守。尋叙從四位下。任侍從。先父
 卒。子光茂。襲祖父之後。大猷公賜諱字。立為永式。子
 孫襲封相繼。藩翰譜、續、元茂叙爵。稱紀伊守。頒山城
 田七萬四千石。直澄叙爵。稱甲斐守。頒蓮池田五萬
 二千石。家譜、藩翰譜、直澄六世直寬。叙爵。稱攝津守。初嗣
 家。好學。銳意政事。河野恕齋上救弊五事。直寬悅。賞
 賜之。且自書說命金砥之語與之。恕齋為大坂邸守。
 聞直寬有籠鳥之玩。曰。不樂和諧自然之音。而悅號

哭悲哀之聲。用此而助興。用此而侑酒。其忍之。亦已
 甚矣。夫以樂號哭悲哀之心。而臨群黎。其能有不忍
 人之政乎。玩好之事。至微也。至細也。然由微而致大。
 自細以致巨。履霜之漸。實可懼焉。乃作樊禽賦以諷。
 直寬覽而悅之。立命破樊籠。續藩翰譜、子孫俱相列世侯。
 直弘稱山城守。為家人。直朝繼正茂後。備考系圖、
 忠茂。初字翁助。慶長五年。台德公賜諱字。及食邑五
 千石于下總。且賜兼氏作眉尖刀。虎皮鞍帕。肩輿等。
 為扈從列。後加賜二萬石而卒。子正茂。字孫平太嗣。
 養勝茂季子直朝為繼。而產子正泰。請幕府。讓采邑

二萬石於直朝爲家嗣。割五千石。予正泰。子孫相繼。仕幕府。

筑紫惟門。筑前人也。姓藤原氏。與少貳氏同族。少貳貞經弟資法。族稱朝日武藤。資法七世尙門。食三笠郡筑紫。始族稱筑紫。筑紫家譜

○中興武家盛衰記作筑紫氏者。足利直冬之後。未有所考。

尙門曾孫正門。生惟門。惟門稱上野介。陰德太左馬頭。大友興廢記。筑紫家譜。永正五年。奉大將軍義植。入京師。陰德太平記。惟門在東肥山浦城。屬大內氏。先是涉

川義長受幕府命。爲九州探題職。保園部城。勢威衰耗。遷居朝日山城。通志於少貳資元。惟門率兵攻之。義長拒戰死之。肥陽軍記。享保三年春。或作二年。惟門與朝日賴貫。杉興連。率兵一萬餘。侵入三入郡。少貳時尙禦戰。會龍造寺家兼來援。時尙惟門不利而退。實錄太平記

○肥陽軍記云。大永末年。筑紫尙門。朝日賴貫。少貳寬元於大內氏。享祿二年秋。與杉興連俱侵東肥。與馬場橫岳戰克之。又與龍造寺家兼戰。爲鍋島清久所擊破。尙門。賴貫死之。今按筑紫家譜。

尚門時世乖異。爲惟門則戰死云。似不同。

惟門與秋月文種胥議。通信於毛利元就。叛大友氏。
弘治三年七月。或作八月。大友宗麟使戶次道雪。高橋紹
運攻秋月城。文種拒死。連兵來攻。惟門戰敗。走九千
部嶺。保五箇山第一峯。已而察勢不可敵。焚城寨十
一處。從今津航海。憑元就。奔安藝。大坂興廢記、子廣
家譜、立花記。門。或作義冬、稱上野介。家譜、逸史、永祿十年。高橋鑑種反。
大友氏。廣門自藝。還肥前。招聚故舊。據三條城。以應
鑑種。治亂記、宗
像追考記。七月。大友宗麟使齋藤鎮實將兵八
千來伐。廣門軍園部。伏精兵於林叢。殊出兵五百進

戰。而陽走。敵乘勝進來里許。伏起。銃丸雨注。死者二
百餘人。問注所鑑。豐將七百餘繼進。又敗。死雄侍島。
鎮實聞前軍敗。單騎馳至。廣門已收軍。保五箇山。鎮
實退次園部。相持。鎮實急來擊。廣門戰敗。終乞降。子
榮門。及太田高場。波多等皆納質於太宰府。治亂記、
追考記。天正七年。廣門與秋月種實攻岩屋城。境上要害處。
以禦岩屋。岩屋亦築砦。東山龍城。置戍。屢出兵支戰。
廣門攻岩屋。屋山種連部兵登埤發銃接戰。廣門兵
辟易。鳴鼓反戰。是年。龍造寺隆信使執行越前。太田
兵衛兵六千。侵掠筑前。鷲嶽城主大鶴民部。安樂平

城主小田部鎮通。數支戰。廣門軍岩戶。以助肥人。紹運率兵來救。大鶴。小田部。肥人乃去。廣門與紹運相抗。自十月至十一月。廣門與種實謀。駐紹運。十七日。種實率兵四千餘。軍大宰府。將攻岩屋。紹運聞驚。發兵。廣門追躡。紹運士成富左衛門止戰。紹運得入城。會道雪。從谷尾村西。繞出軍後。大噪。廣門兵驚走。入基肄。治亂記。九州軍記。高橋記。小田部紹此。前年與龍造寺氏將熊代戰。敗死。有二子。長鎮通。次統房。與父俱死。熊代已獲紹此父子。以為安樂平且降。不復進攻。鎮通曰。得保聚堅守。原田了榮子信種據高祖城。畧早良。以

西勢稍盛。信種乞龍造寺隆信諱字。與親善。乞師于佐賀。約克安樂平。割早良郡半。與隆信合兵。屢攻安樂平。廣門亦攻鷲嶽。二城介敵國間。糧且盡。救援不至。於是隆信遣江上家種。原田信種等兵五千。攻安樂平。城中兵寡且飢。鎮通自殺。城陷。廣門又與肥人高木。石田等攻鷲嶽。東坂峻絕。推盾鹵進。銃矢亂擊。日夜不息。城兵不能禦。致城而去。於是大友氏盡失西畠岩戶地。廣門益強。修音名林。立神山二城。置戍。以欲取那珂郡。又置戍於天鋒山。不動城。以圍岩屋寶滿。九州軍記。九年。寶滿兵畧秋月地。岩屋兵會之。廣門

乘間襲岩屋城。兵善拒。不得意而歸。高橋十一年春夏之際。屢出剽略。立花近邑。與道雪紹運接戰數回。殺傷亦多。立花十二年三月。遣人縱火於岩屋城。屋宇盡燼。廣門望火。急兵馳到。會紹運來救。廣門引兵而還。高橋記。豐四月。廣門侵掠御笠郡。道雪迎戰。紹運又出。廣門收兵於武藏城。立花十三年冬。廣門及種實。送款於龍造寺氏。政家重種實材幹。獨遇之厚。廣門愠。以女妻紹運子統增。與岩屋行成。九州軍記。十四年六月。島津義久帥師涉筑後川。先攻一瀨邑城。廣門拒戰不克。七月。城陷。薩師遣勝尾。崖下人。分

攻廣門所總東肥諸城。悉拔之。廣門遂出而降。幽之筑後。或作筑前大善寺。肥陽軍記。而薩師聞關白秀吉西征。前鋒已至。皆班軍。廣門潛出。大善寺。入舊邑。驅聚故舊。入保五箇山寨。候秀吉之至。肥陽軍記。十五年。秀吉征薩。軍平。召廣門。賜筑後上妻郡。居山下城。筑紫家譜。文祿元年八月。廣門率兵征韓。從慶尙道。入全羅道。赴全州府。虜將鄭湛。邊應井。要于熊嶺。戰而日暮。卒破之。斬湛。應井。別將李廷鸞。李洸。固守府城。且多張疑兵。廣門仰城以爲生兵。新至。難力爭焉。乃封熊嶺尸。標曰朝鮮忠肝義膽。收兵而退。全羅一道。由是免我

朝鮮通志卷之五十五

十二

兵矣。大三川志文祿二年五月。守熊川。豐臣家譜初屬小早川隆景。及小西行長。略掠抵安東城。明虜數十萬。將圍之。行長懼走。大友義統棄城而逃。士卒疲飢。多爲虜所殺。廣門捍守城。俟援師之至。慰勞兵馬。一日。夜退保王城。明虜來攻。隆景及立花宗茂等擊克之。廣門從擊。斬獲頗多。筑紫家譜慶長二年二月。守加德城。豐臣家譜十月。與毛利秀包守星州。明將麻貴使李如梅來攻。城中兵寡。且寒威。士卒困苦。欲退。虜亦追躡。猶豫。時山口宗永在谷城。令南部無右衛門率兵二千來迎。無右途與如梅相遇。且戰且進。如梅追尾。將敗。

遂戰。縱矢丸。行二十里許。近星州城。秀包。廣門突出。以生兵。大擊破。如梅退。將再戰。將士胥議曰。城陋兵寡。大軍來圍。防禦難矣。乃宵持羸繼。如梅退。後出星州逼谷城。谷城已爲虜所陷。乃適求禮。途有巨流。而無舟。宗永曰。大軍無切處。乃綴兵繫馬而濟。大三川志附錄慶長三年。秀吉薨。及征韓諸將罷歸。小西行長據順天。明虜水陸來攻。島津義弘。立花宗茂等赴援。擊永軍。廣門從擊卻之。而陣唐島。豐臣家譜庚子之役。廣門黨三成。及軍敗。自天津逃歸。十月。加藤清正招廣門降之。令其人守山下城。廣門削髮。號夢菴。

清正給月俸三百口。悉撫納部下。隸焉。石田軍、清正記、逸史。清正卒而後。就細川忠興。執謁東照宮。以元和元年四月卒。歲六十八。長子晴門。或作榮門。稱美濃守。天正十四年。戰死于河上。次子廣門。天正十六年。叙爵。稱主水正。庚子役。漂泊依細川忠興。仕幕府。元和元年。大坂城陷。就忠興。執謁于二條城。寬永三年。賜食邑三千石。子信門嗣。子孫相繼。仕幕府。筑紫家譜。

野史卷一百五十七終

野史卷一百五十八

飯田忠彥 修
男 文彥 訓點
竹中邦香 校

武臣列傳第六十六

宗貞國

宗貞國。對馬人也。姓平氏。新中納言知盛。元曆元年。沒西海。遺孤在襁褓。乳母惟宗氏。懷走筑前蘆屋。而託孤於蘆屋某。偽曰。兒者攝津產。為夫被遺棄。願為婢。得撫育。某憐而養之。文治二年。鎮西守護武藤資賴。過太宰府。途見兒不凡。問乳母。乳母以實告。資賴

驗曰。我義故之子也。乃携歸家。養育。名知宗。稱武藤判官。避源氏嫌。冒姆姓。號惟宗氏。分筑前宗像。及肥前豐前田予之。掌太宰府兵馬事。居赤馬城。是稱北殿。爲筑豐壹對州等管轄。寬元四年。擊阿比留氏。爲對馬守護。居太宰府。隸武藤資能。宗家譜、子重尙襲職。稱族宗。其弟助國嗣。文永十一年十月。蒙古來寇小茂田。潘翰譜作淺茅浦。助國舉族八十餘騎拒之。遣通事真繼男問之。放箭交鋒。蒙古千人。下船接戰。寂寡不敵。助國及支族右馬二郎。彌二郎等拒戰。皆死之。蒙古進寇壹岐。守護平內左衛門尉恒高拒禦。士卒多

死。恒高自殺。而寇博多。遂敗去。潘翰譜、帝王助國會孫經國。潘翰譜作賴茂。今從宗家譜。伐北條英時。稱夜叉刑部。經國生賴茂。賴茂子貞茂。應永二十六年六月。蒙古來侵佐護鄉。貞茂擊卻之。家譜、潘翰譜。貞茂子貞盛。繼父稱讚岐守。嘉吉三年。與朝鮮莊憲王。相約商賈交易之事。每歲以商船五十爲定額。輸穀二萬石。史畧引宗家譜、或記作三萬石。於對馬。自此而後。宗氏世掌朝鮮接待之事。武實錄、國史。子成職。無子。貞國繼之。貞國實貞盛弟。盛國子也。承從父弟成職後。稱讚岐守。朝鮮交易之運船。以對州守護信牌爲證。劄于此。少貳嘉賴與大內持

世戰敗來奔募國人濟肥前再與持世戰不克而死。應仁元年嘉賴子教賴復募國人濟博多與大友兵及大內守護代戰不利而走。藩翰應仁二年貞國更惟宗氏為平氏。家譜先以峯鄉佐賀為國府於是遷府於與良中村而居焉。家譜宗文明元年大內政弘黨山名宗全大將軍義政使少貳氏伐之貞國悅與教賴。藩翰譜作應仁元年教尙敗死募兵濟太宰府侵掠郡縣無幾肥前小代郡人牛頭晴家與千葉氏相鬪教賴使貞國援晴家貞國諫止弗聽戰終不利置戍兵於博多還軍。藩翰五年頃歲與朝鮮交易商船

約以五十今加遣七船別謂之特送而後九州國主部酋又遣使船不為眇然其部屬等悉依貞國接待交易不絕。國史實錄子村盛村盛子義盛。義盛本名盛順稱讚岐守永正二年襲嗣與武藤政資及支族顯茂俱起兵侵入筑前為大內義興見敗。政資顯茂皆戰死。系圖家譜七年。國史實錄正月大將軍義尹賜義字及屋形號。實錄是歲與朝鮮相爭閏四月遣子盛弘伐之盛弘航海入朝鮮攻唐泣山城拔之陷江見度義城而追抵熊川城韓人雲集拒戰圍盛弘數重兵潰而死。實錄弟盛長嗣盛長七世孫

義智。
義智實將盛五子。承兄義純後。小字彥三。初食伊奈郡。天正五年。繼家。年甫十二。義調代執國事。十四年。關白秀吉遣使於朝鮮國王李昭。不禮。十五年。秀吉征伐島津氏。六月。義智從義調。到箱碕。納款會師。以完封邑。實錄、藩翰譜十八年。義智與朝鮮最邇。歷世相往反。或交兵。能諳事情。秀吉令義智赴朝鮮求信使。義智者小西行長女婿也。秀吉託以外事。朝鮮辭以不諳海島。拒通信。詐言義智熟海路。與之偕行。便欲使朝鮮無辭以拒。因又窺視其虛實。義智老臣柳川調

信。及僧玄蘇等同赴。義智年少精悍。人皆畏之。俯伏膝行。不敢仰視。久留東平館。必邀其使與俱議。依違而已。數年前。我襲全羅道。取竹島。殺邊將李大源。捕得生口。言實國邊民沙乙。背同者叛來導我入韓。韓憤之。至是人或言宜令日本擒還叛民。然後議通信。以視誠否。使館客者諷之。義智曰。此不難。即遣調信。歸報。不數月。悉捕彼民之在我國者十餘人。遣歸朝鮮。王昭陳兵威。鎖沙乙背同等。入庭詰問。斬於城外。謝義智。以內厩馬一。後引見一行享宴。義智玄蘇等皆入殿內。以次進酌。又宴於禮曹中。然通信之議未

決。明日議決。擇黃允吉等爲使官。是年三月。遂與義智同發。時義智送二孔雀。及烏銃槍刀等於朝鮮。彼有銃始此云。大三川志。懲誌錄。七月。義智率正使還。秀吉欣悅。任義智侍從。授羽柴氏。藩翰譜。稱對馬守。臣調信叙從五位下。家譜系圖。實錄。十九年夏。義智受命復到釜山浦。爲邊將言。我欲通明。若朝鮮爲之聞。則幸甚。不然兩國將失和議。此乃大事。故來告。邊將以聞。時王昭方答通信。且怒其悖慢。不服。義智泊船旬餘。怏怏而歸。是後我不復往。釜山浦留館者。常有數十餘人。稍稍引歸。一館幾空。虜恠之。懲誌錄。二十年。義智率騎兵五

千。爲先隊。四月。陷釜山浦。僉使鄭發死之。先是調信。玄蘇等。與通信使偕往。館東平館。備邊同講。令黃允吉。金誠一等。私以酒饌來慰。因從容問我國事。詢察情形。以備策應。許箴之。誠一至館。玄蘇等密語曰。明國久絕我。不通聘禮。秀吉以此。心懷憤耻。欲起兵端。貴邦先爲聞。聘路得達。則必無事。而我民亦免兵革之勞矣。誠一等。因以大義說諭之。玄蘇又曰。昔高麗導元虜來寇我。我以此報怨於汝。勢宜然。其言漸悖。自是再不後問。而調信。玄蘇尋回。懲誌錄。戰鬪凡七年。及秀吉薨。事止。歸國。豐臣家譜。藩翰譜。初文祿四年。賜薩摩

田一萬石。慶長四年。轉賜肥前基肄。養父二郡之內。
家譜。庚子之秋。義智在國。使柳川調信率兵赴大坂。
與群將攻伏見。及大津城。軍敗。而特命赦罪。賜舊封。
德川記。是年。義智又遣調信於朝鮮。乞和。先是戊戌
年。遣梯七太夫于朝鮮。次言副左近。次柚谷彌助。皆
爲明鎮兵所擒。迄北京。不得歸。其次遣石田甚左衛
門。始得東萊府使後調信書面歸。於是遣井出智正。
以先所虜朝鮮男女。悉送歸。朝鮮始享我使者於釜
山浦。復書於義智謝之。義智送之於東府。東照宮召
見。尋問事條。賜物而還。使者乃彼邦所謂橘智正。而

彌六左衛門是也。舊章錄、殊號事畧。七年十一月。義智赴東
府。官曰。朝鮮若欲和親。則任其所請矣。然我非敢求
之。義智領命諭之。朝鮮狐疑未服。實錄、大三川志附錄。八年春。
義智遣井出智正於朝鮮。以其通事同知金繼信。國史
實錄作鄭某。僉知孫文彧而還。見義智。備問和親之事。義
智以實應之。先是有朝鮮王族金光者。爲宇喜多秀
家所擒。頃間得赦。在對馬。於是義智懇諭金光。與二
人遣歸。實錄、舊章錄、殊號事畧。九年七月。義智以朝鮮使僧惟
政。松雲。及錄事孫文彧。大三川志附錄。如京師。先松雲
元彧受朝鮮主命。與智正來謂曰。和親如信。則到東

府。可見國王。否則自此歸耳。義智遣調信於東府。聞之。東照宮曰。孤以次年。與世子朝覲。義智率二使。先往京師。候焉。調信歸報。十二月。義智調信携松雲文彀。如京師。板倉勝重承命。館兩使於本法寺。大三川志附錄 德寺。施授厨料。實錄、舊 十年二月。宮諭義智曰。欲見韓使於伏見城。汝計之。孤將讓職於世子。宜獻信使翰貢於江府矣。義智乃率松雲。文彀。到伏見城。令拜謁。獻土宜。隣好成焉。實錄、殊 對馬地多不毛。宗氏取給於肥前。於是益以肥前田二千石。賞其勞。家譜、命 得三歲二述職。令臣柳川智永叙爵。割加賜田千石。

予焉。家譜 又命赦先所擒虜男女一千三百餘口。悉放還。國王大喜。舊章錄、 十一年秋。朝鮮禮曹贈書於義智。請我國信。是冬。東照公賜書於國王。舊章錄、殊 十二年四月。義智携正使呂祐吉。副使慶暹。從事官丁好寬。往江府駿府。獻書及方物。始修隣交之禮。朝鮮來聘之始也。舊章錄、實錄、 東照公以外事圓備。褒義智承朝鮮積怨之餘。周旋費力。特命秩比十萬石。為奏請。以從四位侍從。為永襲世榮之。舊章錄、 十四年以來。遣商舶二十於釜山浦。通交易。迄十七年。加船數。國王以通明。立為永式。海防、 大阪軍起。率兵從師。元和

卷一百五十八
二十一

元年正月卒。年四十八。御選大坂、日法名崇虎石翁。
號萬松院。殊號事畧考、子義成嗣。稱對馬守。叙從四位下。任侍從。藩翰譜、老臣柳川調信。小字權之助。初為質。在駿府。後預掌韓事。叙從五位下。稱豐前守。其子智永。初名景直。繼父。叙爵。稱豐前守。其子調興。繼初稱玄蕃頭。叙從五位下。稱豐前守。掌韓事。義智遣調興於駿府。習修麾下威風。殊號事畧考、元和三年。朝鮮信使來聘。僧崇傳受旨。草國書。調興遣人謂曰。前年國書。不載王字。故彼邦君臣以為日本未歸一。然今若從舊式。則信使等密聞意於我。且前執政贈彼禮

曹書式。亦違故式。請議悉復舊。崇傳以聞于伏見。九月。本多正純等胥議曰。我以高麗為夷狄。故我國王與彼王。莫通信書。前年國書。兌長老閱故式。而所裁也。今奚更加王字之為。於是議決。不改國書式。而改執政書式。舊章錄、殊號事畧、寬永八年。義成與調興訟獄。十二年三月。調興及以耐菴僧玄方密私更國書式。裁王字。贈朝鮮事發覺。籍沒。謫于津輕。藩翰譜、殊號事畧、義成卒。子義真嗣。子孫世掌接韓事。傳迄于今。世侯。

野史卷一百五十八終

[Faded text in the right column, likely bleed-through from the reverse side]

野史卷一百五十九

飯田忠彦 修
男 文彦 訓點
竹中邦香 校

武臣列傳第六十七

有馬晴信

大村喜前

有馬晴信。本名鎮純。又作鎮貴、又久貴、又正純、肥前人也。姓

藤原氏。伊豫椽純友。及子諸友。諸純謀反皆死。

○按日本史純友。及子重太丸。謀反伏誅。紳書引系圖云。純友有三子。曰有信。曰紀年。曰伊王丸。有

信。純年不知所終。伊王丸。蓋紀畧所載重太丸矣。
姑從大村家記。

諸純子曰直澄。或作直純。避匿伊豫大洲。舊故臣庶擁育之。永延二年。詔祀純友靈。赦與黨罪。直澄遇赦。任

遠江權守。賜肥前國高來郡。遷居焉。大村家譜。

○按新纂系圖云。純友子有信。純年。伊王丸。伊王丸元服名良純。而不載有信。純年子孫。良純四世武者所賴房。仕平教盛。為木曾義仲被誅。賴房曾孫康方。有二子。曰賴通。曰朝國。不載直澄。○系譜云。純友子直澄。或說云。純友取平將門子為義子。

嘗察將門純友有逆謀。遁世為僧。其子在常陸志太郡。稱志太小太郎。六世經純也。或云。直純有故為將門養子。往山東。稱相馬二郎直澄。將門伏誅之後。幽居常州志津江。至六世幸澄。潛居常陸。

直純六世幸隆。有二子。兄曰經澄。弟曰忠澄。是為大村氏祖。經澄仕大將軍實朝。補高來郡地頭職。築城於有馬。初稱族有馬。潘翰譜、有馬家譜。經澄九世貴純。繼箕裘。屬大內義隆。抄畧近境。併領藤津。彼杵二郡。稱肥前屋形。威武稍張。潘翰譜、島津家譜、紳書。貴純子尙鑒。尙鑒子晴純。繼家。大將軍義晴賜諱字。併三根。佐賀。神碕二

郡。爲六郡主。列相伴衆。有馬譜晴純欲併肥前多年。多
久城主多久宗時叛少貳氏。來屬晴純。得便。西徇杵
島郡。須古城主平井經治。及前田伊豫守。畠永左近
大夫等。爲之前鋒。侵掠千葉氏管內。千葉氏懼。與少
貳氏行成。晴純班師。大友宗麟使成大寺豪永。森入
道宗智馳檄。起兵到南肥。晴純應之。使孫義純伐千
葉氏。併其邑。率大村純忠。西鄉純久。深堀純政。後藤
貴明等。自先驅。爲圍小城。經治及原田中等亦應之。
千葉胤連迎之。丹坂乞援于佐賀。永祿六年七月。接
戰。晴純不克而退。次于橫田邊。龍造寺隆信自督兵

而發。鍋島信生陣堤尾。晴純避銳而去。隆信亦收軍。
貴明。經治將尾擊。信生築砦于小通。當之。不能而罷。
肥陽軍記晴純子義真。或作義貞。又義直。今永祿六年御番帳。大將軍義晴
賜義字。列相伴衆。義真子義純。肥陽軍記改名鎮純。小字太
郎。大將軍義昭賜義字。列相伴衆。任修理太夫。有馬譜
系天正初年。義真。義純與大友宗麟連和。欲伐千葉
胤連。奪小代郡。龍造寺隆信助胤連。義真。義純戰敗。
而隆信武威益震。義真家勢日衰。僅保高來一郡。與
隆信行成。以義純女。妻隆信子政家。藩翰譜尋義純憎
隆信暴虐。與島津義久通謀。天正九年。隆信恚。使江

上家種來戰。未決。十一年。義純乞救於義久。義久遣其人赴援。義純軍安德。與家種戰不利。隆信進攻安德。義純與薩人擊卻之。薩將新納刑部大輔。川上左京亮留戍原城。有馬家譜、逸史十二年春。隆信分師。令政家攻原城。家種攻高來。島津家久率步騎三千來援。隆信怒。政家不能拔城。自督兵五千餘來攻。義純據森嶽。築二三寨而禦備。三月。隆信攻家久於島原寨。而戰敗。隆信死之。有馬家譜十五年夏。關白秀吉徇西海。義純到高良山行營。賜本領高來郡。藩翰譜義純弟乃晴信。晴信小字十郎。繼兄後。居原。日野江兩城。稱左衛

門大夫。又修理大夫。有馬家譜、藩翰譜、備考系圖文祿二年五月。率兵征明。家譜、豐臣家譜慶長五年。上國軍起。得小西行長謀狀。西土侯伯發戰艦。到赤馬關。大村喜前建議。悉還城邑。晴信亦歸城。遣子直純。率兵二千。攻吉川。小西水津城。及關原敗。守將自殺。乞宥士卒死。晴信乃屠其城。遣直純報捷。保有食邑。藩翰譜慶長十四年十二月。東照宮使晴信燬蠻舶於長碕港。先是弘治三年。南蠻商船到周防。是時失勘合符契。而後蠻舶。或黑船。或白船。一二來往不絕。定長碕爲港。交易土宜。蠻種或奉信天主教。號天主。曰徒斯。讀爲傳。字須。其酋曰耶

蘇讀也為欲宏藉其法。訛惑土民。或崇信之者。則貨殖多。故稍歸敬之。初我商欲求香木於交趾。本書作廣南。今據長所舶來五十人。遇風浪。漂著亞媽港。群夷遮留賈人。終與夷口論。拮鬪。悉為夷被擊殺。欲求香木而筆又晴信燬係慶長十二年夏似誤○藩翰譜云。去年我商賈渡阿媽港。彼商司名志牟爾與呂。船長加比太牟等。殺我賈三百餘人。奪掠資糧云。

東照宮弗憚。是年來船長志牟耳與呂。加比太牟等。請交易。夷或竊告。往殺我賈人者。在此船中云。晴信具聞東府。是以東照宮命擊之。晴信乃與長碕奉行長谷川廣智議。守備嚴戒。夷頗察事狀。不上陸。將俟風而發。晴信暨廣智馳輕舸追之。夷縱銃拒。去十二里。時十一月九日。烈風遽起。波浪暴怒。漂流硫黃島。晴信乘機。縱火箭襲之。銃火移轉。夷船火藥。炎焰沸涌。爛火迸飛。黑船碎裂。夷種滅殲。國史實錄。晴信竊修天主教。子直純苦諫。不聽。直純憑廣智。強諫。猶弗聽。秋原隨筆。逸慶長十七年三月。晴信有罪。邑除。配于甲斐。舊章錄。類聚。盛衰記。初本多正純家人岡本大八。嘗與晴信親暱。大八竊謂晴信曰。嚮卿燔蠻船。東照宮感賞。

正純受命。將賜食邑。任所請矣。欲乎否。晴信悅曰。今鍋島采邑藤津。彼杵二郡。我累世食邑也。爲龍造寺所侵奪。願復焉。大八頷諾。而視賜二郡之草案。且誠祕事勿漏。晴信大悅。賄以金銀錦繡。益依賴焉。大八復曰。恩賜將有命。大樹頃日達諸東府。非賄賂。莫通便路。晴信乃予銀六千兩。歷一紀而未果。晴信疑恠。送書於正純。促許狀。正純召問大八。大八對不知。正純以聞。東照宮乃召晴信。直純與大八對理。晴信取大八書爲證。大八所罪。禁錮。晴信亦違旨。大八自獄中上疏曰。晴信私議。闔擊長碕奉行。再召晴信。令對

理。晴信語塞。東照宮赫怒。命大久保長安。幽晴信于郡內。在甲州留郡。磔殺大八於阿倍川。藩翰譜。賜死于晴信。割舊封。賜子直純。○藩翰譜。萩原隨筆。創業記。駿府政事錄。不載。賜死。
○逸史云。晴信修天主教。事覺。放之甲。尋賜死。遂命淘汰士大夫。陷邪說者。令有司檢天下寺院。安天主像者。悉毀之。捕四民。蠱惑不回者。誅之。不載大八及議殺奉行之事。
直純。小字大吉。慶長五年初。謁東照宮。近侍左右。藩翰譜備考。叙從五位下。稱左衛門佐。武家補任。慶長十五年十一月。東照宮養外曾孫女。配直純。女者本多忠政。

女。實榮壽夫人。柳營譜、署十七年三月。父晴信有罪。

處流刑。直純慎謹。以亾罪。割其舊封。予四萬石。藩譜、逸翰

史。十九年七月。徙封于延岡城。日向益食邑一萬二千

石。藩系圖、備臣庶不欲遷徙。山口直友受命赴諭。徙

焉。藩譜、翰寬永十四年冬。島原賊蜂起。

○或云。島原似誤。當時島原松倉居城也。原城有

馬故壘。賊據之。原字。西海俗語曰波留。

十五年正月。鎮西侯伯還國。率兵伐賊。直純又與子

康純。率兵為先驅。與水野勝俊爭先。攻入巢穴。直純

進薄賊。松平信綱遣軍使七八回。而直純父子讓鍋

島勝茂而退。城陷之日。直純奮擊。士卒死傷四百十

人云。藩譜、翰寬永十八年四月卒。年五十六。藩譜、備

法名光山宗和。號江園院。備考系圖、諡號考子康純。純政。純

政族稱本多。字八兵衛。康純繼家。預祿三千石。後依

病屏居。康純小字大助。元和二年。東照宮賜諱字。寬

永三年。叙爵。稱藏人。繼家。更稱左衛門佐。致仕入道。

號假宿。子清純嗣。清純本名永純。叙爵。稱周防守。繼

家。分祿邑於弟純息。純富尋改稱左衛門佐。元祿四

年十二月。或作二年十二月坐封邑不治。遷邑於系

魚川。在越後八年五月。轉丸岡城。越前食依舊藩譜、類聚



盛衰子孫相繼列侯。

大村喜前肥前人也。姓藤原氏。與有馬晴信同祖。中世忠澄領藤津。彼杵二郡。居久原城。其孫澄宗弘安中。捍禦蒙古。澄宗孫純興。或作澄興元亨之亂。終始不變。勤王之志。與純弘應安中。屬良懷親王。有軍功。純弘曾孫純治。與有馬貴純不協。屢相戰。去城遷好武城。其子純伊。與貴純交和。築今富城居之。純伊長子良純。依病不繼。二子純前嗣。初住今富城。近侍足利幕府。後移居大村。純前無子。養有馬晴純二子為嗣。是日純忠元龜中。始開長碕市港。為蠻舶之便。屢靖國

難。興隆家聲。大村家譜天正十三年。送款于關白秀

吉。家譜是為喜前父。喜前小字新八郎。天正十五年。繼

父。是年。秀吉征伐薩摩。喜前率兵從師。賜舊領。及征

韓軍起。前後七年。戰伐有功。藩翰譜文祿四年正月。

叙從五位下。稱丹後守。藩翰譜備慶長三年。築久島

城。徙居焉。藩翰譜庚子役。得大坂。及小西行長檄。備艦

艘。抵赤馬關。覺其姦計。急自悔。有馬晴信。五島盛季。

松浦鎮信等舟師亦來會。喜前謂曰。故大閣託大政

於內府。天下所共知也。今嗣君幼冲。無所預知。而上

國動干戈。罪狀內府。意是奉行輩謀逆。藉口嗣君耳。

適所以殃嗣君也。諸君善自爲計。吾且從此歸。當爲內府効力。乃命轉柁。諸侯亦寤回船。喜前已還。輒送款于加藤清正。出佐之。其餘亦或城守。或出兵隸清正及黑田如水。及事平。西陲小諸侯。多完舊封。蓋喜前之力也。藩翰譜、逸史、清正爲執之。東照宮賜教書賞功云。藩翰譜、慶長十九年。幕府下命。盡滅卻耶蘇宗徒。喜前諸士。及領下爲耶蘇徒者多。使本多正純糾問之。喜前對曰。我累世祿微。而間大國。欲爲武備。爲南蠻宗。然意有所疑。故遣族人於意太里亞。令學羅馬教法。一紀而歸。又遣家人嬉野某。赴呂宋。有年。召問其

譯。二人所說無敢異。於是議決。悉令改宗。加藤清正自征韓而來。與喜前相識。嘗謂日蓮徒能固人心也。送日蓮僧來。是以喜前先造日蓮寺。悉改耶蘇爲日蓮宗徒。悉破卻長碕所在耶蘇寺院。莫有遺類。紳書、元和元年。老。次年八月卒。年四十八。家譜、備考、系圖、法名普潤。日照。號顯往院。家譜、考、子純賴。襲封。食邑二萬七千九百石。子孫世侯。

野史卷一百五十九終

野史卷一百六十

武臣列傳第六十八

中川清秀

毛利高政

松浦隆信

中川清秀藩翰譜作重秀攝津人也。鎮守府將軍平良文六

世秩父重純三子。高山重遠後裔。世住常陸。父重清

去國赴京師。而如攝津。國人中川左衛門尉。以女妻

飯田忠彦

男文彦訓點

竹中邦香校

重清而讓其家。某爲多田源氏後裔。故改爲源氏。稱
佐渡守。中川家譜、藩翰譜居茨木城。屬池田勝政。家譜清秀字
瀨兵衛。天正元年七月。逸史作永祿十一年和田惟政爲大將
軍。義昭據芥川城。家譜作高槻、今從逸史侵掠邊境。織田信長
建榜曰。獲惟政者。賞勳應其請矣。時清秀隸荒木村
重。見其揭示。自批點取首者。衆嘲笑。其夜子刻果獲
惟政首而歸。村重恠問。對曰。私計鬪戰明日。殺傷必
多矣。我命運偏。旦夕不如棄軀。獲彼極練武。試淀
水淺深。必可自探焉。其甲可認。雖不能。我武亦不朽
矣。故先彼涉水。覆岸邊柳陰而候。惟政果來。狙馘之。

凌水而免歸矣。感其膽太。藩翰譜、家譜初清秀點名而歸。
告故於室氏。語別。室氏乃薦酒以餽。藩翰譜
○荒木略記云。荒木一族。及清秀。池田久左衛門
等胥議。將攻高槻。而決所置矣。預定議云。獲敵某
者。昇祿幾何矣。以惟政首。當祿三百石。清秀點之
而出。陣于郡山西馬塚。惟政聞之。曰。池田城兵無
將帥。而對我挑戰。是螳螂之斧也。子輩繼而建功
焉。乃單騎而發。時永井道利爲義昭使者。在高槻。
諫曰。彼兵無隊長。來求戰。是招自滅也。勝則掠畧
郡邑。不能則死戰耳。請勿侮焉。我不管。則渠等同

士軍而必敗矣。惟政嗤而弗聽。道利曰。悔屬盲將而狗死矣。借惟政數甲乃出。惟政果被馘。道利遂戰死。○碎玉話云。村重以五百石募惟政首。清秀書名氏於揭示。終獲之。他日問其故。對曰。惟政居恒驕勇先驅。故賭命則必獲焉。如不果則爲戰場土塊矣。臨戰期。惟政離隊而進。我伏堤陰。踊躍刺馘之。彼非輕卒驕勇之人。整旅而進。則何能獲之。我腫在彼甲及先驅也云。

天正六年十月。村重叛信長。分兵於伊丹。花隈。茨木。高槻諸城。遣清秀及石田伊豫守渡邊勘太夫守茨

木。清秀諫弗聽。歎息赴守焉。秀吉遣高山長房勸降。清秀察村重爲紆譖所滅。乃應諾。十一月夜。迎秀吉兵。逐伊豫等屬秀吉。保城。及村重亡。信長賞賜茨木城。織田家譜、安土記、八年正月。三木城陷。信長以三木。益清秀封。併食十二萬石。清秀令子秀政居之。信長以女妻秀政。藩翰譜、逸史、十年五月。清秀受信長命。整軍旅。赴援秀吉於中國。將發。凶訃至。會秀吉于尼碕。議軍事。六月十三日。清秀列二隊。大戰于山碕。擊伊勢貞興等數人。遂克之。織田信孝執清秀手曰。今日吾子之苦戰。我何日忘焉。秀吉在後。乘肩輿而過。呼曰。瀨兵

骨折骨折。俗謂勞折骨。清秀暴言曰。筑州面貌。若并吞四海。豐鑑家譜。十二年二月。援秀吉。爲先驅。侵伐伊勢。與瀧川一益兵。戰于白子大寺。而不利。細川忠興來救。俱擊卻之。進攻桑名城。太閤記。四月。守賤嶽大岩山。修築尤淺陋。秀吉以爲清秀勇敢。堪拒備。故命焉。二十日平明。柴田勝家先驅。佐久間盛政。不破彥三等。潛甲而達清秀寨下。會桑山重晴家士。飲馬於湖邊。盛政兵掩取之。或逃歸報之。重晴駭。望見敵幟。充塞山谷。遣人勸清秀曰。越人數萬來薄。其淺陋溝壁不完。請來俱守禦。對曰。我及長房。受命保之。退則非

武弗聽。乃與高山長房。出禦戰。不決。越人拜鄉久。盈急轉迫寨。繞出寨後。燬外營。焰烟覆空。師遂潰。長房奔于本營。清秀勸餘衆入壁。盛政急逼之。生兵迭登。清秀率兵數十奮戰。而衆寡不敵。清秀見其遂不可勝。棄砦走。盛政號且辱曰。中川清秀曷不死乎。清秀聽而恚。反擊苦戰。殪數騎。遂死之。近藤無一馘焉。諸寨以事出不意。拘守軍令。不敢赴援。國史實錄豐鑑。平記云。清秀入寨而自殺。歲四十二。法名行譽。莊嶽。家譜。秀吉歎惜。厚吊之。附寺田以稱焉。太閤記。子秀政。秀成。秀政。字藤兵衛。爲右府信長女婿。爲三木城主。屬秀吉。藩翰系譜

圖、天正十三年。從攻根來僧徒于濱城。又從筑紫。小田原之役。豐臣家譜、藩翰譜、叙從五位下。稱右衛門大夫。家譜、系、文祿元年。率兵三千。渡朝鮮。攻王城。而守水源寨。初秀政當征韓發道之日。秀吉賜馬曰。汝歸朝之日。騎此馬。宜就國也。二年正月。家譜作三月、秀政嘗有膂力。恃勇不傲。或獵虎豹。以慰重勞。一朝與左右。縱鷹於郊野。我兵一人出刈秣。爲二虜被奪鎌。且擲打傷倒悲泣。秀政聞而悲。伺其去路。自揮眉尖刀。馳追可五六町。大呼曰。吁毛漢奴不可追矣。一虜顧縱半弓。射秀政。秀政傷。進終斬二虜而歸。傷不瘳而卒。二州隨筆、

年二十五。無子。群下懼咎。陽報以親邏遇變。秀吉弗懌。移書責其輕忽。削封邑五萬石。令弟秀成繼其後。藩翰譜、家譜、

秀成。初字小兵衛。秀政死于朝鮮。秀吉使秀成爲嗣。食三木城邑七萬石。是歲。大友義統有罪國除。秀成徙封于竹田。豐後、食七萬四百石。藩翰譜、家譜、叙從五位下。稱修理太夫。武家補任、藩翰譜、文祿四年。入朝鮮。與明虜戰。被傷。家譜、藩翰譜、庚子亂。應大友氏。中悔之。送款於東師。出兵千餘。與白杵兵戰于佐賀關。不利。家人中川平右衛門。再率兵攻淨土寺。軍敗死之。原田紹恩等與

白杵援兵戰。接戰兩日。死傷者二百餘人。秀成自率兵伐白杵。與太田政信戰未決。及關原敗。問至。政信棄城而走。德川記、舊事記、慶長十七年。歲四十三而卒。藩譜、系圖、子久盛嗣。久盛曾孫久通。久通叙爵。稱因幡守。元祿八年。繼父。十年冬。受命修造麻布別殿。當是時。土木屢起。島津綱貴修寬永寺中堂。蜂須賀綱矩造小石川別殿。或謂久通。此二侯封祿不匹。役夫匱乏。皆危其遲。久通諭下吏曰。今修營所多。強勿譴夫匠。衆亦有能與不能。能者寡。不能者多。不問不能。而薦舉其能。凡卑賤者貪貨。其熟慮

之。諸吏努力。不日落成。久通之功爲第一。明其、洪範、子久忠嗣。子孫襲侯。毛利高政。本名友重。豐臣記、姓藤原氏。父高次。字九郎左衛門。本宗多田源氏。餘江高久之後。有故改藤原氏。稱族森。毛利家譜、藩譜、備考系圖、高政初字勘八。仕羽柴秀吉。天正十年。秀吉與毛利輝元行成。交質。輝元以季父元綱。及桂元信。秀吉遣高政。及弟吉安爲質。輝元謂曰。方今東西交親。卿昆弟來質。族相同。請贈我族字。永結昆弟之契矣。高政應諾。改森爲毛利氏。迨秀吉領天下。召還。叙從五位下。稱民部少輔。藩譜、翰十五

年三月。高政暨吉安警衛赤馬關。家譜。文祿元年。爲軍監。渡朝鮮。九月。營春川。蜂須賀家政與韓將元豪戰于龜尾浦而破。元豪轉襲高政陣。狂勝輕進。高政設伏敗之。獲元豪。江原一道。無與抗者。逸史。二年。大友義統國除。割予豐後日田郡一萬石。居隈部城。豐臣記。三年秋。加賜海邊郡。移佐伯城。殊管日田玖珠二郡。併食六萬石。稱豐後六侯。豐臣記。四年十月。與在韓諸將。訟獄于伏見。高政明辨說理決斷。德川。庚子亂。山陰。山陽。南海。西海。四道侯伯。多應三成募。黑田如水在中津城。通東師。遣家人栗山四郎右衛門。攻隈部

城。高政臣毛利隼人佐固禦。遣人曰。高政在大坂。嘗欲歸順。故應入道殿旨。將致城。如水曰。然則我城也。兵寡。不可保矣。乃取城。使四郎右衛門率兵守焉。及上國軍散。群侯多處罪奪封。高政免罪。保城邑二萬石。藩翰譜。尋改稱伊勢守。武家補任。寬永五年十一月卒。歲七十三。備考系圖。家譜。子高成嗣。子孫襲侯。松浦隆信。肥前人也。姓源氏。出自左大臣融。融玄孫綱。任內舍人。屬鎮守府將軍賴光。綱子久。初下肥前松浦郡。居焉。因爲族稱。久十八世義。仕大將軍義教。被殊恩。嘉吉元年夏。義教遇弑。八月。訃問至。義駭。欲

馳如京師。意悔不攻討滿祐。厚吊其靈。薙髮號天。雙
靱寺於平戶。祭焉。先是義好著赤烏帽子。義教親自
摸其像。賜之。故諺曰。數寄肥前赤烏帽子。松浦家譜、
○藩翰譜引世傳云。肥前有上下松浦。所謂上松
浦者。嵯峨源氏。而累世食唐津。伊萬里。有田。山代。
久原等地。皆以一字爲名。鎮西國人。一字名者。皆
其裔也。下松浦者。平戶松浦也。是安倍賴時子宗
任乞降。宥死罪一等。配流肥前。其子孫居平戶。稱
下松浦。乃松浦鎮信之祖也。未知其詳。姑據松浦
家譜。

義曾孫興信。天文十二年七月。在界浦。細川氏綱起
兵入界浦。興信邀擊。殺三十餘人。氏綱走。國史實錄、
足利季世
記。是爲隆信父。隆信繼家。稱肥前守。隸少貳氏。藩翰
譜、
天正中。屬龍造寺隆信。十年。波多某。大村某與少貳
氏謀。襲平戶。隆信築井戶。廣田寨於早岐。拒戰擊卻
之。敵轉侵伐壹岐。國人或請服。日高主膳正弗從。率
兵拒擊。乞援於隆信。隆信率兵赴攻。遂平之。日高氏
以壹岐援隆信。隆信以孫女。妻主膳子信喜。紳書、武
家譜、
薙髮號通可。家譜、藩翰譜、
未詳年月、十五年。關白秀吉征伐薩
摩。受旨警衛海路。十七年。志岐天草之寇蜂起。隆信

援加藤清正擊平之。家譜、慶長四年閏三月卒。歲七十

一。家譜、藩道號印山。家譜、子鎮信。

鎮信繼家稱肥前守。天正十五年。從秀吉征薩。得完舊邑。藩翰十七年二月。剃髮號宗靜。叙法印。稱式部卿。稱平戶法印。藩翰文祿元年。率兵三千。與小西行長。宗義智。尋列先鋒。四月到豐碕。在對馬而航釜山浦。侵伐東萊。平忠州而入王城。經平安道。臨遼東境。宗靜子久信。後至。韓虜急來圍。久信擊破之。次年正月。明將李如松率漢南軍數萬。救朝鮮。漢南軍襲行長陣。諸部周章。宗靜部下居恒不解甲。於是整旅拒擊。

追北。縱火於村里。全師而還。是時大友義統先逃。陣址空虛。行長忿焚之。到黑田長政陣。長政迎勞且爲殿。往可十里許。將入王城。漢南虜追尾。宗靜與長政及小早川隆景。立花宗茂。戮力奮戰。獲虜三萬八千餘。慶長二年。修造蔚山營。宗靜便明虜未來。因守備固嚴。三年。漢南虜在順天陽。毛利行長。信夫。出陣三里。宗靜疑有詐謀。殊爲之備。行長果所圍。宗靜赴援。擊虜卻之。殿而歸。征韓而後七年。秀吉賜書及衣褒焉。頻年西洋耶蘇教。滋蔓于筑紫。宗靜謂爲國家之蠹害。故排斥之法甚嚴。追卻家人一部某。幽平田某

二人俱耶蘇徒也。迄今平戶封境。嚴制耶蘇黨。宗靜先見之明也。家譜庚子亂。得行長諜狀。發兵艦。抵赤馬關。從大村喜前之言。歸國。送款於東師。保有食邑。如故。德川記、關原記、


○家忠日記追加云。鎮信攻伏見城。似誤。故不取。十九年五月卒。歲六十六。法名天融源長。家譜、備子久信先卒。孫隆信嗣。叙爵。稱肥前守。慶長十九年七月。受命歸國。先是長碕土人。爲耶蘇徒者多。或某誘其徒。九月。隆信率兵抵長碕。攘斥其役。毀壞廬舍。十二月。歸平戶。聞大坂軍起。直馳軍艦。到中路。聞和平。

夏軍起。不及而罷。元和中。擒伴天連於北佐賀海上。炙殺之。寬永十四年卒。子鎮信嗣。世侯。

松浦宗清。稱安太夫。仕關白秀吉。及右府秀賴。庚子亂。宗清黨三成。侵伐伊勢。軍敗。坐處流刑。德川記、東遷基業、

宗清從父弟秀任。字安兵衛。仕秀吉。列騎隊。叙從五位下。稱伊豫守。庚子亂。黨三成。與立花宗茂等。攻大津城。秀任素有膂力。揮鐵棒。擲打敵。進入二郭。而戰死。宗茂憐惜之。後年召其子。祿之云。中興武家盛衰記、

野史卷一百六十終



野史卷一百六十終

Faint vertical text columns, likely bleed-through from the reverse side of the page.

Blank page with a faint rectangular border and a very faint red seal impression in the center.

